



1	4
1555	
88	

88





1222  
88

石湖詞

湖

詞

石湖詞

五十一



門 14  
1555  
卷 88

瓜賦

昭和十九年  
四月十日  
購求

石湖詞

吳郡 范成大 致能 著

滿江紅 冬至

寒谷春生薰叶氣玉簫吹穀新陽後便占新歲吉雲  
清穆休把心情關藥裏但逢節序添詩軸笑強顏風  
物豈非癡終非俗清晝永佳眠熟門外事何時足  
且團欒同社笑歌相屬著意調停雲露釀從頭檢舉  
梅花曲縱不能將醉作生涯休拘束

又

石湖詞



竹裏行廚來問訊諸侯賓老春滿座彈絲未遍揮毫  
先了雲避仁風收雨脚日隨和氣薰林表向樽前來  
訪白髯翁衰何早志千里功名兆萬丈文章耀  
洗冰壺胸次月秋霜曉應念一堂塵網暗故將百和  
香雲繞算賞心情話古來多如今少

又 雨後攜家遊西湖荷花盛開

柳外輕雷催幾陣雨絲飛急雷雨過半川荷氣粉融  
香浥弄葉攀條春一笑從教水濺羅衣溼打梁州簫  
鼓浪花中跳魚立山倒影雲千疊橫浩蕩舟如葉

有采菱清些桃根雙楫忘却天涯漂泊地尊前不放  
閒愁入任碧筩十丈卷金波長鯨吸

又

罨畫溪山行欲遍風蒲還舉天漸遠水雲初靜柁樓  
人語月色波光看不定玉虹橫臥金鱗舞算五湖今  
夜只扁舟追千古懷往事漁樵侶曾共醉松江渚  
算一作只今年依舊一杯滄浦宇宙此身元是客不須  
悵望家何許但中秋時節好溪山皆吾土

千秋歲 重到桃花塢



北城南埭玉水方流匯青樾裏紅塵外萬桃春不老  
雙竹寒相對回首處滿城明月曾同載 分散西園  
蓋消減東陽帶人事改花源在神仙雖可學功行無  
過醉新酒好就船況有魚堪買

浣溪沙

燭下海棠

傾坐東風百媚生萬紅無語笑逢迎照妝醒睡蠟煙  
輕 采蠹橫斜春不夜絳霞濃淡月微明夢中重到  
錦宮城

又

催下珠簾護綺叢花枝紅裏燭枝紅燭光花影夜蕊  
龍 錦地繡天香霧裏珠星璧月綵雲中人間別有  
幾春風

又

新安驛席上畱別

送盡殘春更出游風前蹤跡似沙鷗淺斟低唱小淹  
畱 月見西樓清夜醉雨添南浦綠波愁有人無計  
戀行舟

又

歙浦錢塘一水通閒雲如幕碧重重吳山應在碧雲



東 無力海棠風淡蕩半眠宮柳日惹龍眼前春色  
為誰濃 此闕或刻入吳儆竹洲詞悞

又 元夕後三日王文明席上

寶髻雙雙出綺叢妝光梅影各春風收燈時候却相逢  
魚子牋中詞婉轉龍香撥上語玲瓏明朝車馬  
莫西東

又

紅錦障泥杏葉韉解鞍呼渡憶當年馬驕不肯上航  
船 茅店竹籬開蓆市絳裙青袂斲薑田臨平風物

故依然

又

白玉堂前綠綺疎燭殘歌罷困相扶問人春思肯濃  
無 夢裏粉香浮枕簟覺來烟月滿琴書箇儂情分  
更何如

朝中措 丙午立春大雪是歲十二月九日丑時  
立春

東風半夜度關山和雪到闌干怪見梅梢未暖情知  
柳眼猶寒 青絲菜甲銀泥餅餌隨分杯盤已把宜  
春縷勝更將長命題旛



又

身閒身健是生涯何況好年華看了十分秋月重陽  
更插黃花 消磨景物瓦盆社釀石鼎山茶飽喫紅  
蓮香飯儂家便是仙家

又

繫船沽酒碧帘坊酒滿勝鵝黃醉後西園入夢東風  
柳色花香 水浮天處夕陽如錦恰似鱸鄉中有憶  
人雙淚幾時流到橫塘

又

海棠如雪殿春餘禽弄晚晴初倦客長慚杜宇佳辰  
且醉提壺 逍遙放浪還他漁子輸與樵夫一棹何  
時歸去扁舟終要江湖

又

天容雲意寫秋光木葉半青黃珍重西風祛暑輕衫  
早怯秋涼 故人情分畱連病客孤負清觴陌上千  
愁易散尊前一笑難忘

蝶戀花

春漲一篙添水面芳草鴟兒綠滿微風岸畫舫夷猶



存  
灣百轉橫塘塔近依前遠  
江國多寒農事晚村北  
村南穀雨纔耕遍秀麥連崗桑葉賤看看嘗麩收新  
繭

南柯子

槁項詩餘瘦愁腸酒後柔晚涼團扇欲知秋臥看明  
河銀影界天流  
鶴警人初靜蟲吟夜更幽佳辰祗  
合算花籌除了一天風月更何求

又

悵望梅花驛凝情杜若洲香雲低處有高樓可惜高

樓不近木蘭舟  
緘素雙魚遠題紅片葉秋欲憑江

水寄離愁江已東流那肯更西流

又  
七夕

銀渚盈盈渡金風緩緩吹晚香浮動五雲飛月姊妬  
人顰畫一彎眉  
短夜難留處斜河欲淡時半愁半  
喜是佳期一度相逢添得兩相思

水調歌頭

細數十年事十處過中秋今年新夢忽到黃鶴舊山  
頭老子箇中不淺此會天教重見今古一南樓星漢



淡無色玉鏡獨空浮  
斂秦煙收楚霧  
熨江流關河  
離合南北依舊照  
清愁想見姮娥冷  
眼應笑歸來霜  
鬢空做黑貂裘  
醜酒問蟾兔  
肯去伴滄洲

又 燕山九日作

萬里漢家使雙節  
照清秋舊京行遍  
中夜呼禹濟黃  
流寥落桑榆西北  
無限太行紫翠相  
伴過蘆溝歲晚  
客多病風露冷貂  
裘對重九須爛醉  
莫牽愁黃花  
為我一笑不管鬢  
霜羞袖裏天書尺  
尺眼底關河百  
二歌罷此生浮  
惟有平安信隨鴈  
到南州

西江月

十月誰云春小  
一年兩見紅一作風  
嬌人間霜葉滿庭

皐別有東風不老一作雲英此夕度藍  
百媚朝天

淡粉六銖步月生  
綃雲莫寂寞倚藍橋  
誰伴玉京霜

曉一作人間霜葉滿庭  
皐別有東風不老

又

北客開眉樂歲東  
君著意華年遮風藏  
雨晚雲天應  
怕杏梢紅淺  
不惜燈前放夜從  
教雪後留寒水晶  
簾箔萬花鈿聽徹  
南樓曉箭



鵲橋仙 七夕

雙星良夜耕情織懶應被羣仙相妒娟娟月姊滿眉  
顰更無奈風姨吹雨 相逢<sub>世</sub> 草爭如休見重攪別  
離心緒新歡不抵舊愁多倒添了新愁歸去

宜男草

籬菊灘蘆被霜後裊長風萬重高柳天為誰展盡湖  
光渺渺應為我扁舟入手 橋中曾醉洞庭酒輾雲  
濤挂帆南斗追舊遊不減商山杳杳猶有人能相記  
否

又

舍北煙霏舍南浪雲傾離雨荒薇漲問小橋別後誰  
過惟有迷鳥羈雌來往 重尋山水問無恙掃柴荆  
土花塵網畱小桃先試光風從此芝草琅玕日長

秦樓月

窗紗薄日穿紅幔催梳掠催梳掠新晴天氣畫簷聞  
鶻 海棠逗曉都開却小雲先在闌干角 闌干角楊  
花滿地夜來風惡

又



珠簾狹卷簾春一作西院花園合花園合晝長人靜雙  
雙胡蝶 花前苦帶金蕉葉 萱騰午睡扶頭怯扶頭  
怯閒愁無限遠山斜疊

又

香羅薄帶圍寬盡無人覺無人覺東風日暮一簾花  
落 西園空鎖鞦韆索簾垂簾卷閒池閣閒池閣黃  
昏香火畫樓吹角香火疑燈火

又

樓陰缺闌干影臥東廂月東廂月一

路杏花如

雪 隔烟催漏金虬咽羅幃暗淡燈花結燈花結片  
時春夢江南天闊

又

浮雲集輕雷隱隱初驚蟄初驚蟄鶉鳩鳴怒綠楊風  
急 玉爐烟重香羅泥拂墻濃杏臉脂溼臉脂溼花  
梢缺處畫樓人立

念奴嬌

雙峰疊障過天風海雨無邊空碧月姊年年應好在  
玉闕瓊宮愁寂誰喚癡雲一杯未盡夜氣寒無色碧



城凝望高樓縹緲西北 腸斷桂冷蟾孤佳期如夢  
又把闌干拍霧鬢風鬟相借問浮世幾回今夕圓缺  
晴陰古今同恨我更長爲客嬋娟明夜樽前誰念南  
陌

又

十年舊事醉京花蜀酒萬葩千萼一棹歸來吳下看  
俯仰心情今昨強倚雕闌羞簪雪鬢老恐花枝覺揩  
摩愁眼霧中相對依約 聞道家讌團圞光風轉夜  
月傍西樓落打徹梁州春自遠不飲何時歡樂沾惹

天香畱連國豔莫散燈前酌襪塵生處爲君重賦河  
洛

又

吳波浮動看中流翻月半江金碧醉舞空明三萬頃  
不管姮娥愁寂指點瓊樓憑虛有路鯨背橫東極水  
雲飄蕩闌干千丈無力 家世回首滄洲烟波漁釣  
一作有鷗夷仙迹一笑閒身遊物外來訪扁舟消息  
天上今宵人間此地我是風前客濤生殘夜魚龍驚  
聽橫笛



又

水鄉霜落望西山一寸脩眉橫碧南浦潮生帆影去  
日落天青江白萬里浮雲被風吹散又被風吹積尊  
前歌罷滿空凝淡寒色 人世會少離多都來名利  
似蠅頭蟬翼贏得長亭車馬路千古羈愁如織我輩  
情鍾匆匆相見一笑真難得明年誰健夢魂飄蕩南  
北

又 和徐尉遊石湖

湖山如畫繫孤篷柳岸莫驚魚鳥料峭春寒花未遍

先共疎梅索笑一夢三年松風依舊蘿月何曾老  
家相問這回真箇歸到 綠鬢新點吳霜樽前強健  
不怕衰翁號賴有風流車馬客來覓香雲花鳥似我  
麤豪不通姓字只要銀瓶倒奔名逐利亂帆誰在天  
表

惜分飛

易散浮雲難再聚遮莫相隨百步誰喚行人去石湖  
烟浪漁樵侶 重別西樓腸斷否多少淒風苦雨休  
夢江南路路長夢短無尋處



夢玉人引

送行人去猶追路再相覓天未交情長是合堂同席  
從此尊前便頓然少箇江南羈客不忍忽忽少駐船  
梅驛酒斟雖滿尚少如別淚萬千滴欲語吞聲結  
心相對嗚咽燈火淒清笙歌無顏色從別後儘相忘  
算也難忘今夕

又

共登臨處飄然一作風袂倚空碧雨捲雲飛長有桂娥  
看客簫鼓生春徧錦城如畫雪山無色一夢纔成况

天涯南北舞餘歌罷料宣華回首盡陳迹萬里秦  
吳有情應問消息我欲歸耕如何重來得故人若望  
江南且折梅花相憶

如夢令

卷畫屏中客住水色山光無數斜日滿江聲何處撐  
來小渡休去休去驚散一洲鷗鷺

又

兩雨鶯啼何許尋遍綠陰濃處天氣潤羅衣病起却  
吹微暑休雨休雨月日榴花端午



菩薩蠻

小軒今日開窗了  
揉藍染碧綠  
堦草簷佩可憐  
風杏梢烟雨紅  
飄零歡事少  
鬢點吳霜  
早天色不愁人  
眼前無限春

又 元夕立春

雪林一夜收寒了  
東風恰向燈前到  
今夕是何年新  
春新月圓  
綺叢香霧隔  
猶記疎狂  
守畱取縷金旛  
夜娥相並看

又

黃梅時節春蕭索  
越羅香潤吳紗薄  
絲雨日隴明柳  
梢紅未晴  
多愁多病後  
不識曾中酒  
愁病送春歸  
恰如中酒時

臨江仙

羽扇綸巾風嫋嫋  
東廂月到薔薇新  
聲誰喚出羅幃  
龍鬚將留繞  
鴈字入箏飛  
陶寫中年須箇裏  
畱連月扇雲衣  
周郎去後賞音稀  
爲君持酒聽那肯帶春歸

又



萬事灰心猶薄宦塵埃未免勞形故人相見似河清  
恰逢梅柳動高興逐春生卜晝匆匆還卜夜仍須  
月墮河傾明年我去白鷗盟金閨三玉樹好問紫霄  
程

減字木蘭花

玉烟浮動銀闕三山連海凍翠袖闌干不怕樓高酒  
力寒雙松凍折忽憶衰翁容易別想見鷗邊壓損  
年時小釣船

又

折殘金菊棖子香時新酒熟誰伴芳尊先問梅花信  
小春道人破戒染酒題詩金鳳帶愁病相關不似  
年時酒量寬

又

波嬌鬢裏中隱堂前人意好不奈春何拚却輕寒透  
薄羅翦梅新曲欲斷還聯三疊促圍坐風流饒我  
尊前第一籌

又

枕書睡熟珍重月明相伴宿寶鴨金寒香滿圍屏宛



轉山 雞人聲杳瑤井玉人相對曉黯淡窗紗却下  
風簾護燭花

又

臘前三白春到西園還見雪紅紫花遲借作東風萬  
玉枝 歸田計決麥飯熟時應快活身在高樓心在  
山陰一葉舟

鷓鴣天

休舞銀貂小契丹滿堂賓客盡關山從今裊裊盈盈  
處誰復端端正正看 模淚易寫愁難滿湘江上竹

枝斑碧雲日暮無書寄寥落烟中一鴈寒

又

蕩漾西湖采綠蘋揚鞭南隸哀紅塵桃花暖日茸茸  
笑揚柳光風淺淺顰 章貢水鬱孤雲多情爭似桂  
江春崔徽卷袖瑤姬夢縱有一作自相逢不是真

又

嫩綠重重看得一作漸成曲闌幽檻小紅英酴醾架上  
蜂兒鬧楊柳行間燕子輕 春婉晚客飄零殘花淺  
酒片時清一盃且買明朝事送了斜陽月又生



又 雪梅

壓蕊拈鬚粉作團疎香辛苦顫朝寒須知風月尋常  
見不似層層帶雪看 春髻重曉眉彎一枝斜並縷  
金旛酒紅不解東風凍驚怪釵頭玉燕乾

好事近

雲幙暗千山腸斷玉樓金闕應是高唐小婦妒姮娥  
清絕 夜涼不放酒杯寒醉眼漸生纈何待桂華相  
照有人人如月

又

昨夜報春來的 樂嶺梅開雪攜手玉人同賞比看誰  
奇絕 闌干倚遍憶多情怕角聲嗚咽與折一枝斜  
戴襯鬢雲梳月

卜算子

涼夜竹堂虛小睡匆匆醒銀漏無聲月上堦滿地闌  
干影 何處最知秋風在梧桐井不惜驂鸞弄玉簫  
露溼衣裳冷

又

雲壓小橋深月到重門靜冷蘂疎枝半不禁更著橫



窗影 回首故園春往事難重省  
半夜清香入夢來  
從此燠爐冷

三登樂

一碧鱗鱗橫萬里天垂吳楚四無人  
櫓聲自語向浮雲西下處  
水村烟樹何處繫船暮濤漲浦  
正江南  
搖落後好山無數儘乘流興來便去  
對青燈獨自歎  
一生羈旅欹枕夢寒又還夜雨

又

路轉橫塘風捲地水肥帆飽眼雙明  
曠懷浩溷問菟裘無恙否  
天教重到木落霧收故山更好  
過溪門  
休蕩槳恐驚魚鳥算年來識翁者  
少喜山林蹤跡在何曾如掃歸鬢  
任霜醉紅未老

又

今夕何期披岫幌雲關重啟引冰壺  
素空似洗捲簾中欹枕上月星浮  
水天鏡夜明半窗萬里  
盼庭柯  
都老大樹猶如此六年前轉頭未幾  
喚鄰翁來話舊同筍新蟻秉燭夜闌  
又疑夢裏

又



方帽衝寒重檢校舊時農圃荒三徑不知何許但姑  
蘇臺下有蒼然平楚人笑此翁又來訪占 況五湖  
元自有扁舟祖武記滄洲白鷗伴侶歎年來孤負了  
一蓑烟雨寂寞潮暮喚回棹去

浪淘沙

黯淡養花天小雨能慳烟輕雲薄有無間官柳絲絲  
都綠遍猶有春寒 空翠溼征鞍馬首千山多情若  
是肯俱還別有玉盃承露冷畱共君看

玉盃官舍中  
牡丹絕品也

虞美人

寄人覓梅

霜餘好探梅消息日日溪橋側不如君有似梅人歌  
裏工顰妍笑兩眉春 疎枝冷蘂風情少却稱衰翁  
老從教來作靜中鄰冷淡無言無笑也無顰

又

落梅時節冰輪滿何似中秋看瓊樓玉宇一般明只  
爲姮娥添了萬枝燈 錦江城下盃殘後還照鄞江  
酒天東相見說天西除却衰翁和月更誰知

又

玉簫驚報同雲重仍怪金瓶凍清明將近雪花翻不



道海棠消瘦柳絲寒 王孫沉醉狝氎幕誰怕羅衣  
薄燭燈香霧兩厭厭髮髯有人愁損上眉尖

又 紅木犀

誰將擊碎珊瑚玉裝上交枝粟恰如嬌小萬瓊妃塗  
罷額黃嫌怕污燕支 日深未覺清香絕風露溶溶  
月滿身花影弄淒涼無限月和風露一齊香

夜深疑夜深

醉落魄 元夕

春城勝絕暮林風舞催花發垂雲捲盡添空闊吹上  
新年美滿十分月 紅蕖影下勾絲抹老來牽強隨

時節無人知道心情別惟有蛾兒驚見鬢邊雪

石湖詞

石湖詞

十九



Blank manuscript area with vertical lines.

石湖詞補遺

醉落魄

棲鳥飛絕絳河綠霧  
星明滅燒香曳簟眠  
清樾花影吹簾滿地  
淡黃月好風碎竹聲  
如雪昭華三弄臨風  
咽鬢絲撩亂綸巾折  
涼滿北窗休共軟紅  
說

朝中措

長年心事寄林扃  
塵鬢已星星芳意不  
如水遠歸心欲與雲  
平畱連一醉花殘日  
永雨後山明從此量  
船載酒莫教閒却春  
情



眼兒媚

萍鄉道中乍晴臥輿中困甚小憇柳塘

酣酣日脚紫烟浮妍暖試輕裘困人天氣醉人花底  
午夢扶頭春慵恰似春塘水一片縠紋愁溶溶洩  
洩東風無力欲皺還休

霜天曉角

梅

晚晴風歇一夜春威折  
花疎天淡雲來去數枝  
雪勝絕愁亦絕此情誰共說  
惟有兩行低鴈知人  
倚畫樓月以上四闕見絕妙好詞

惜分飛

南浦舟中與江西帥漕酌別夜後忽大雪

畫戟錦車皆雅故簫鼓畱連客住南浦春波莫難忘  
羅襪生塵處明日船旗應不駐且唱斷腸新句捲  
盡珠簾雨雪花一夜隨人去

菩薩蠻

湘東驛

客行忽到湘東驛明朝真是瀟湘客晴碧萬重雲幾  
時逢故人江南如塞北別後書難得先自鴈來稀  
那堪春半時

滿江紅

清江風帆甚快作此與客劇飲歌之

千古東流聲捲地雲濤如屋橫浩渺檣竿十丈不勝



帆腹夜雨翻江春浦漲船頭鼓急風初熟似當年呼  
禹亂黃川飛梭速擊楫誓空驚俗休拊髀都生肉  
任炎天冰海一杯相屬荻笋萸芽新入饌鷓絃鳳吹  
能翻曲笑人間何處似尊前添銀燭

謁金門

宜春道中野塘春水可喜有懷舊隱

塘水碧仍帶翹塵顏色泥泥穀紋無氣力東風如愛  
惜恰似越來溪側也有一雙鷓鷯只欠柳絲千百  
尺繫船春弄笛

秦樓月

寒食日湖南提舉胡元高家席上聞琴

湘江碧故人同作湘中客湘中客東風回鴈杏花寒  
食溫溫月到藍橋側醒心絃裏春無極春無極明  
朝殘夢馬嘶南陌以上五闋見花菴絕妙詞選

玉樓春

梅花

佳人無對甘幽獨竹雨松風相澡浴山深翠袖自生  
寒夜久玉肌元不粟却尋千樹烟江曲道骨仙風  
終絕俗絳裙縞袂各朝元只有散香名萼綠

醉落魄

海棠

馬蹄塵撲春風得意笙歌逐款門不問誰家竹只揀



紅妝高處燒銀燭 碧雞坊裏花如屋 燕王宮下花  
成谷不須悔唱關山曲 只爲海棠也合來西蜀

玉樓春 牡丹

雲橫水繞芳塵陌 一萬重花春拍拍 藍橋仙路不崎  
嶇 醉舞狂歌容倦客 真香解語人傾國 知是紫雲  
誰敢覓滿蹊 桃李不能言 分付仙家君莫惜

菩薩蠻 木芙蓉

冰明玉潤天然色 淒涼拚作西風客 不肖嫁東風 殷  
勤霜露中 綠窗梳洗晚 笑把一作罰飲琉璃盞 斜日上

妝臺酒紅和困來 以上四闕見全芳備祖

水龍吟 壽雷寺

仙翁家在叢霄五雲八景來 塵表黃扉紫閣 化鈞高  
妙 風霆揮掃 漠北寒烟 嶠南和氣 笑談都了 白玉麟  
歸兮 金牛再款 却回肯 人間少 天與丹臺舊籍 笑  
公難老 春葩秋葉 暄寒易變 壺天長好 物外  
新聞 鳳歌鸞翥 龍蟠虎遶 想知心高 會寒霜夜 永儘  
橫參曉 右一闕見翰墨全書

江月 嚴子陵釣臺



浮生有幾歡娛常少憂愁相屬富貴功名皆由命  
何必區區僕僕燕蝠塵中鷄蟲影裏見了還追逐山  
間林下幾人真个幽獨誰似當日嚴君故人龍袞  
獨抱羊裘宿試把漁竿都掉了百種千般拘束兩岸  
烟林半溪山影此處無榮辱荒臺遺豫至今嗟咏不  
足右一闕見花草粹編

醉落魄

雪晴風作松梢片片輕鷗落玉樓天半寒珠箔一笛  
梅花吹裂凍雲幕去年小獵灘山脚弓刀溼徧猶

橫槊今年翻怕貂裘薄寒似去年人比去年覺

霜天曉角

少年豪縱袍錦圍花鳳曾是京城游子馳寶馬飛金  
鞞舊遊渾似夢鬢點吳霜重多少燕情鶯意都瀉  
入玻璃甕以上一闕見陽春白雪



和石湖詞

石湖詞

石湖詞

*[Faint bleed-through text from the reverse side of the page, including the characters '石湖詞' and other illegible characters.]*



吟吟賦歸

和石湖詞

東吳 陳三聘 夢弼

滿江紅 冬至

薄日輕雲天氣好相將祈穀民情喜頌聲洋溢清風  
斯穆飲酒不多元有量吟詩無數添新軸對故人一  
笑我真愚君無俗 斜川路經行熟黃花在歸心足  
問淵明去後有誰能屬神武衣冠驚夢裏江湖漁釣  
論心曲但從今散髮更披襟誰能束

又

和石湖詞



天豈無情天若道有情亦老功名事問天因甚家人  
不了好伴雲烟耕谷口休將翰墨傳江表算鬢邊能  
得幾春風驚秋早 陶令尹張京兆懷舒嘯貪榮耀  
盡南柯一夢漏殘鐘曉滕閣暮霞孤鶩舉庾樓明月  
飛鳥繞念老來於此與無窮知音少

又

雨後攜家遊西湖荷花盛開

紺縠浮空山擁髻晚來風急吹驟雨藕花千柄豔妝  
新浥窺鑑粉光猶有淚凌波羅襪何曾濕訝漢宮朝  
罷玉皇歸凝情立 樽前恨歌三疊身外事輕飛葉

悵當年空擊誓江孤楫雲色遠連平野盡夕陽偏傍  
疎林入看月明冷浸碧琉璃君須吸

又

斜日鎔金三萬頃棹歌齊舉風不動采蘋雙漿翠鬢  
相語月殿欲浮蟾兔魄海神不放魚龍舞到今宵秋  
氣十分清無今古 君試喚扁舟侶來伴我瀟湘渚  
共夷猶春浪笑歌秋浦霸越獨高身退後塵纓未濯  
人誰許歎酒盃不到子陵臺劉伶土

千秋歲

重到桃花塢



當年漁隱路轉桃溪匯流水下青山外客行花徑曲  
月上松門對撐艇子雪中蓑笠親曾載老去誰傾  
蓋腰瘦頻移帶人健否花仍在明年春更好來向花  
前醉青鬢改恁時難拚千金買

浣溪沙 燭下海棠

酒力先從臉暈生粉妝新麗笑相迎曉寒高護彩雲  
輕不語似愁春力淺有情應恨燭花明更於何處  
覓傾城

又

翠幕遮籠錦一叢樽前初見淺深紅淡雲和月影蔥  
龍醉態只疑春睡裏啼妝愁聽雨聲中更燒銀燭

醉東風

又 新安驛席上畱別

不怕春寒更出游蘭橈飛動却驚鷗烟光佳處輒遲  
畱屏曲未曾歌醉夢眉尖空只鎖閒愁從教絲柳  
絆行舟

又

越浦潮來信息通吳山不見暮雲重人生何事各西



東 烟外好花紅淺淡  
雨餘芳草綠蔥蘢  
苦無歡意 敵春風

又 元夕後三日王文明席上

點檢尊前花柳叢  
於中偏占牡丹風  
等閒言語慣迎逢  
扇影不搖珠的爍  
釵梁斜鞦玉玲瓏  
夢魂長向楚江東

又

不躍銀鞍與繡韉  
曲筇芒屨見衰年  
尋幽來立渡頭船  
碧澗芹羹珍下筯  
紅蓮香飯樂歸田  
不妨樽酒

興悠然

又

簾壓低垂月影踈  
梅枝和雪玉相扶  
兒家春信入來無  
半隊寶釵慵覽鏡  
任偏羅髻却拈書  
琴心誰與問相如

朝中措

丙午立春大雪是歲十二月九日丑時立春

朝來和氣滿西山  
拄頰小闌干  
柳色野塘幽  
與梅花紙帳輕寒  
三盃淡酒玉腴蔬  
嫩青縷堆盤  
細寫池塘詩  
夢玉人翦做春旛



又

求田何處是生涯雙鬢已先華隨分夏涼冬暖賞心  
秋月春花 吾年如此愁來問酒困後呼茶結社竹  
林詩老卜隣江上漁家

又

去年曾醉杏花坊柳色閒輕黃重覓舊時行迹春風  
滿路梅香 平沙岸草夫差故國知是吾鄉夢斷數  
聲柔櫓只應已過橫塘

又

草堂春過一分餘幽事酒醒初琴調細鳴蕉木矢聲  
不斷銅壺 關心藥裏忘年蓑笠自著潛夫雨後長  
鏡東麓月明短艇西湖

六

秋山橫截半湖光湖渚橘枝黃紈扇罷搖蟬影練衣  
已怯風涼 插紅裂蟹銀絲鱠鮓莫負傳觴醉裏乾  
坤廣大人閒寵辱兼忘

蝶戀花

聞闔城西山四面鳴綠鱗鱗輕拍橫塘岸一陣東風



羊角轉望中已覺孤帆遠  
獨恨尋芳來較晚  
柘老桑柔農務村村遍  
山鳥勸沽官酒賤  
炊烟深巷聽繅繭

南柯子

別後驚人遠  
歸心怯櫓柔  
晚天涼思冷於秋  
冷浸一溪明月水  
瀾流  
醉裏狂仍在  
吟餘趣極幽  
夜深何用數更籌  
別有好風吹酒不須求

又

烟樹觀前浦  
風蘋聽遠洲  
等閒來上水邊樓  
悵望天

涯何處有歸舟  
香斷燈花夜歌停  
扇影秋欲緘  
尺素說離愁  
不見雙魚  
空有大江流

又七

月傍雲頭吐  
風將雨脚吹  
夜深烏鵲向南飛  
應是星娥顰恨入雙眉  
舊怨垂千古  
新歡只片時  
一年屈指數  
佳期到得佳期別了又相思

水調歌頭

玉鑑十分滿  
清露一秋  
漂流蹤跡誰念楚尾與吳頭  
此夜刮明塵  
眼望極好  
張詩膽何處有高樓  
浩蕩



銀潢冷縹緲白雲浮 笑勞生難坎止亦乘流闌干  
拍碎清夜起舞不勝愁萬里關河依舊一寸功名烏  
有清淚滴衣裘老去心空在歸夢遶蘋洲

又 燕山九日作

有客念行役勁氣凜于秋男兒未老銜命如虜亦風  
流決定平戎方略恢復舊燕封壤安用割鴻溝莫獻  
驕驕馬好衣白狐裘 我何人懷壯節但凝愁平生  
未逢知己噲伍實堪羞金馬文章何在玉鼎勳庸何  
一一笑等雲浮拚斷好風月羯鼓打梁州

西江月

詩眼曾逢花面畫圖還識春嬌當年風格太妖饒粉  
膩酥柔更好 酒暈不溫香臉玉慵猶怯輕綃春風  
別後又秋高再見只應人老

又

春事已濃多日遊人偏盛今年梨花寒食雨餘天鴨  
綠含風浪淺 翠袖半黏飛粉羅衣尚怯輕寒不辭  
歸路委香鈿門外東風如箭

鵲橋仙 七夕

和石湖詞



銀潢仙仗離多會少朝暮世情休妬夜深風露灑然  
秋又莫是輕分淚雨 雲收霧散漏殘更盡遙想雙  
星情緒憑誰批敕訴天公待畱住今宵休去

宜男草

搖落丹楓素秋後舞長亭尚餘衰柳別夢回憶得霜  
柑分我應自有濃香喫手 宿醒誰解三盃酒曉山  
橫望中銜斗人去也縱得相逢似舊問當日紅顏在  
否

又

綠水黏天淨無浪轉東風縠紋微漲箇中趣莫遣人  
知容我日日扁舟獨往 平生書癖已無恙解名韉  
更逃羈網春近也梅柳頻看枝上玉蘂金絲暗長

秦樓月

雲衣薄春晴自有東風掠東風掠試聽枝上幾聲乾  
鵲 曲屏心事新題却離愁何用堆眉角堆眉角今  
朝莫是打頭風惡

又

花前狹翠茵圍坐花陰合花陰合閒情不似一雙狂



蝶 春溝何處尋紅葉春寒料想羅衣怯羅衣怯午  
醺醒未翠衾重疊

又

光風薄楊花欲謝春應覺春應覺一庭紅杏粉花吹  
落 冶遊無復飛紅索憑高獨上湖邊閣湖邊閣黃  
昏獨倚畫闌西角

又

青樓缺樓心人待黃昏月黃昏月入簾無奈柳綿吹  
雪 誰人弄笛聲嗚咽傷春未解丁香結丁香結鱗

鴻何處路遙江闊

又

春膏集新雷忽起龍蛇蟄龍蛇蟄柳塘風快水流聲  
急 傷心有淚憑誰浥尊前容易青衫濕青衫濕渡  
頭人去野船鷗立

念奴嬌

浮雲吹盡捲長空千頃都凝寒碧兔杵無聲風露冷  
天也應憐人寂故遣姮娥駕蟾飛上玉宇元同色天  
津何事此時偏界南北 不但對影三人我歌君和



我舞君須拍滌洗胸中愁萬斛莫問今宵何夕老矣  
休論著鞭安用一笑真狂客夜深歸去爛然溪上阡  
陌

又

晴風麗日算東君拆遍梅心桃萼獨有名花開殿後  
一笑嫣然如昨黃袂層膚霞冠高擁多態春才覺雨  
巾風帽故人來趁花約 好是羅綺添春香風環坐  
半醉金釵落老去心情難似舊手撚花枝爲樂麝馥  
縈妝愁花凝恨一作麝馥縈  
愁妝光凝恨莫惜金荷酌酒闌花睡

夢魂重到京洛

又

水空高下望沉沉一色渾然蒼碧天籟不鳴涼有露  
金氣橫秋寂寂玉宇瓊樓望中何處月到天中極御  
風歸去不愁衣袂無力 此夜飄泊孤篷短歌誰和  
自笑狂蹤跡只尺藍橋仙路遠窅窅雲英消息踈影  
婆娑恍然身世我是樽前客一聲悽怨倚樓誰弄長  
笛

又



餘霞飛綺望長天頃刻雲容凝碧今夕江臯風力軟  
明日波心頭白客舸東流語離深夜遣我新愁積春  
融花麗定知天相行色別後一紙鄉書故人相問  
好趁秋鴻翼空有佳人千點淚錦字機中曾織利鎖  
名韁古今同是誰失知誰得來朝愁望舊樓何處西  
北

又和徐尉遊石湖

扁舟此計問當年誰與尋盟鷗鳥許國勲名彝鼎在  
風月不妨吟笑碧草臺邊紅雲溪上壽杖扶詩老水

浮天處未應俗駕曾到盛事埒美知章鑑湖君賜

宸翰今題號指點飛烟輕靄外有路直通仙島蓑笠  
漁船琴書客座清夜樽罍倒未須歸去片蟾未上林  
表

惜分飛

莫唱驪駒容首聚花徑重來微步從此朝天去故山  
怨鶴栖猿侶試卜西園春在否無奈濛濛細雨明  
日長亭路斷魂芳草人何處

夢玉人引

和石湖詞



別來何處酒醒後夢難覓晚日溪亭清曉便挂帆席  
滿載離愁指去程還作江南行客目斷層城數迢迢  
山驛 素巾空染淚痕斑應是暗中滴記得輕分玉  
簫猶自淒咽昨夜東風梅柳驚春色料伊也沒心情  
過却好天良夕

又

倚欄干久人不見暮雲碧芳草池塘春夢暗驚詩客  
昨夜溪梅向空山雪裏輕勻顏色好贈行人折枝南  
枝北 雨巾風帽昔追遊誰念舊蹤跡料得踈籬暗

香時度風息淡月微雲有何人消得便歸去踏溪橋  
慰我經年思憶

如夢令

紅紫不將春住風定更飄無數溪漲綠含風短艇晚  
橫沙渡歸去歸去肯念西池鴛鴦

又

珍重故人相許來向水亭幽處文字閒金釵消盡晚  
天微暑無雨無雨不比尋常端午

菩薩蠻



和石湖詩  
筇枝探得梅開了青鞋漸踏江頭草日日作東風海棠相次紅離多良會少此計應須早莫待作行人却將愁送春

又

春城辦得紅蕖了紅蕖未點春先到新月入新年方纔今夜圓雲屏誰爲隔腸斷金釵客好語寫春旛都教席上看

又

楊花滿院飛紅索春光不似人情薄樓閣斷霞明梨

花易晚晴玉虬香散後扶困三盃酒不是聽思歸

歸心思此時

臨江仙

夜飲只愁更漏促畱連笑罨薔薇歌聲繚繞徹簾櫳坐中清淚落梁上暗塵飛重觀舞腰驚束素不更褪羅衣別來容易見來稀次公狂已甚不醉亦忘歸

又

白首故人重會面論交爾汝忘影從今心跡喜雙清



飛鴻追往事 蝶笑餘生 琥珀盃濃春正好 此懷  
端爲君傾舊時猿鶴 敢寒盟鳩居從拙 計鵬翼任高  
程

減字木蘭花

凝雲不動玉海無聲 千丈凍來倚闌干襟袖憑虛徹  
骨寒 歸心易折後夜月明應恨別 罨畫圖邊著我  
被蓑上釣船

又

東籬黃菊細燃香 枝人事熟少緩芳樽且醉儂家麪

米春 老人齋戒底事秋來移角帶歸夢相關明月  
松江萬頃寬

又

盈盈裊裊欲問卿卿還好好無奈嬌何摺摺湘帶薄  
薄羅 樽前顛曲舞作回風花拍促壓盡時流基裏  
輸伊一百籌

又

先生困熟萬卷書中聊託宿似怯清寒更燕都梁狗  
搏山 游仙夢杳啼鳥聲中春又曉未著烏紗獨坐



溪亭數落花

又

殷勤舉白昨夜東風猶有雪莫恨春遲曾見梅花筮  
一枝 陰晴未決早晚清明新火活夢遶秦樓欲趁  
歸潮上客舟

鷓鴣天

酒暈從教上臉丹春愁何事點眉山都將別後深深  
意且向樽前細細看 多少恨說應難粉巾空染淚  
爛斑爐狺

却明月樓心夜正寒

又

指剝春葱去採蘋衣絲秋藕不沾塵眼波明處偏宜  
笑眉黛愁來也解顰 巫峽路憶行雲幾番曾夢曲  
江春相逢細把銀缸照猶恐今宵夢似真

又

昨夜東風怨不成曉來猶自掃殘英半酸梅子連枝  
重無力楊花到地輕 情易感涕先零玉虬香冷更  
淒清事如芳草綿綿遠恨比浮雲冉冉生

又雪梅

和石湖詞



剪碎霜綃巧作團玉纖特地破朝寒踈花好向釵橫  
見瘦影難敲月墮看 將舊恨入眉灣不須多樣縷  
金旛當時千點東風淚怪見妝成粉未乾

好事近

我欲御天風飛上廣寒宮闕撼動一輪秋桂照人閒  
愁絕 歸來須著酒消磨玉面點紅纈起舞爲君狂  
醉更何須邀月

又

枝上幾多春數點不融香雪縱有筆頭千字也難誇

清絕 豔桃穠李敢爭妍清怨笛中咽試策短筇溪  
上看影浮波月

卜算子

雪後竹枝風醉夢風吹醒瘦立寒階滿地春淡月梅  
花影 門外轆轤寒曉汲喧金井長笛何人更倚樓  
玉指風前冷

又

澗下水聲寒壑底松風靜時有清香度竹來步月尋  
踈影 往事屬東風試問花應省曾是花前把酒人



別夢溪堂冷

三登樂

南北相逢重借問古今齊楚燭花紅夜闌共語悵六  
朝興廢但倚空高樹目斷帝鄉夢迷鴈浦故人踈  
梅驛斷音書有數塞鴻歸過來又去正春濃依舊作  
天涯行旅傷心望極淡烟細雨

又

注望曉山晴色麗晨餐應飽穀紋平漲天渺渺倚藤  
枝撐艇子昔遊曾到江山自古水雲轉好悵年來

心縱在盟寒鷗鳥故人中黑頭漸少問幾時尋舊約  
石磯重掃一竿釣月鬢霜任老

又

久蟄羣虬猶未肆新雷初啟鼓東風雨膏爲洗望橫  
塘越溪路石湖烟水西接洞庭下連甫里憶當年  
歸計早扁舟從此祖清風相門有幾圃堂高應解笑  
紛紛蝸蟻錦囊雪月更看醉裏

又

一品歸來強健日小園幽圃扁舟興恐天未許想當



年持漢節衆齊咻楚丹忠此日盛名千古 換詞章  
師海內緯文經武莫寒盟故山舊侶到鱸鄉還 八是  
秋風斜雨鳴刀繪雪未應便去

浪陶沙

風雨晚春天芳興慵慳淺紅稠綠滿園閒獨有梨花  
三四朵留住春寒 年少躍金鞍咫尺關山倦飛如  
我已知還灑向東風千點淚衣上重看

虞美人 寄人覓梅

融融睡覺東風息行到溪亭側一枝梅玉似人人索

笑依然消瘦不禁春 相逢試問情多少應怪山翁  
老翠蘿高護結花隣一任餘芳爭學捧心顰

又

天公意向人情滿燈月人同看中秋雖是十分明不  
比今宵處處有華燈 豔桃穠李歌闌後更醉青樓  
酒不妨飲盡玉東西橫笛聲中春色要君知

又

飛瓊曉壓梅枝重酒面羊羔凍誰將綰帶逐車翻明  
月秦樓昨夜不勝寒 何須捲起重簾幙愁怕春羅



薄玉杯持勸醉厭厭無奈有人籠袖出香尖

又紅木犀

乾紅剪碎煩纖玉相並黃金粟漢宮素面說明妃馬  
上秋風應解著臙脂 黃昏小樹堪愁絕不比梅花  
月滿天風露透肌涼插取雙枝歸去是誰香

醉落魄元夕

東風寒絕江城待得花枝發欲知此夜碧天闊

大參相公望重百僚名滿四海有志之士願見而不  
可得者也一日客懷詩詞數十篇相示曰此大參范  
公近作也三聘正容斂衽登受謝客曰夫珍奇之觀  
得一而足況坐羣玉之府心目爲之洞駭足之至者  
止於此乎客之賜厚無以加旣去披吟累日輒以蕪  
言屬韻可笑其不自量矣然使三聘獲登龍門賓客  
之後塵與聞黃鍾大呂之重平時之願至足於此則  
今日狂率之意無乃自爲他時之地哉至於良玉砥  
砢雜然前陳茲固不免於罪戾尚可追耶東吳陳三



花外集

聘夢弼謹書

和石湖詞完



題詞

瑣窗寒

張炎

王碧山又號中仙越人也能文工詞琢語峭  
拔有白石意度今絕響矣余悼之玉笥山所  
謂長歌之哀過於痛哭

斷碧分山空簾剩月故人天外香畱酒帶蝴蝶一生  
花裏想如今醉魂未醒夜臺夢語秋聲碎自中仙去  
後詞牋賦筆便無清致 都是淒涼意悵玉笥埋雲  
錦袍歸水形容憔悴料應也孤吟山鬼那知人彈折

花外集題詞

一知不足齋正本



素絃黃金鑄出相思淚但柳枝門掩枯陰候蟲愁暗  
葦

踏莎行 題中山詞卷

周密

結客千金醉春雙玉舊遊宮柳藏仙屋白頭吟老茂  
陵西清平夢遠沉香北 玉笛天津錦囊昌谷春紅  
轉眼成秋綠重翻花外侍兒歌休聽酒邊供奉曲

洞仙歌

觀王碧山花  
外詞集有感

張炎

野鵲啼月便角巾還第輕擲詩瓢付流水最無端小  
院寂歷春空門自掩柳髮離離如此 可惜歡娛地

雨冷雲昏不見當時譜銀字舊曲怯重翻總是離愁  
淚痕洒一簾花碎夢沈沈知道不歸來尙錯問桃根  
醉魂醒未



花外集

一名碧山樂府

玉笥山人王沂孫

天香

龍涎香

孤嶠蟠煙層濤蛻月驪宮夜採鉛水汎遠槎風夢深薇  
 露化作斷魂心字紅蕤候火還乍識冰環玉指一縷紫  
 簾翠影依稀海天雲氣樂府補題海  
天作海山幾回擘嬌半醉  
 翦春鐙夜寒花碎更好故溪飛雪小窗深閉荀令如今  
 頓老總忘卻樽前舊風味謾惜餘熏空篝素被

花犯

苔梅



古嬋娟蒼髮素鬢盈盈瞰流水斷魂十里嘆紺縷飄零  
難繫離思故山歲晚誰堪寄琅玕聊自倚謾記我綠蓑  
衝雪孤舟寒浪裏 三花兩葉破蒙茸依依似有恨明  
珠輕委雲臥穩藍衣正護春顛頰羅浮夢半蟾挂曉么  
鳳冷山中人乍起又喚取玉奴歸去餘香空翠被

露華 碧桃

紺葩乍坼笑爛漫嬌紅不是春色換了素妝重把青螺  
輕拂舊歌共渡煙江卻占玉奴標格風霜峭瑤臺種時  
付與仙骨 閒門晝掩悽悽似淡月梨花重化清魄尙

帶睡痕香凝怎忍攀摘嫩綠漸滿溪陰

詞綜漸滿 誤漸暖

簌簌

粉雲飛出芳豔冷劉郎未應認得

南浦 春水

柳下碧粼粼認麴塵乍生色嫩如染清溜滿銀塘東風  
細參差縠紋初徧別君南浦翠眉曾照波痕淺再來漲  
綠迷舊處添卻殘紅幾片 蒲萄過雨新痕正拍拍輕  
鷗翩翩小燕簾影蘸樓陰芳流去應有淚珠千點滄浪  
一舸斷魂重唱蘋花怨采香幽徑鴛鴦睡 別本誤 誰道  
湔裙人遠



南浦 前題

柳外碧連天漾翠紋漸平低蘸雲影應是雪初消巴山  
路蛾眉乍窺清鏡綠痕無際幾番漂蕩江南恨弄波素  
襪知甚處空把落紅流盡 何時橋里尊鄉泛一舸翩

翩一作然

東風歸興孤夢繞滄浪蘋花岸

別本誤作冷

漠漠雨

昏煙暝連筒接縷故溪深掩柴門靜只愁雙燕銜芳去

別本芳誤作春

拂破藍光千頃

聲聲慢 催雪

風聲從臾雲意商量連朝滕六遲疑茸帽貂裘兔園準

擬吟詩紅爐旋添獸炭辨金船羔酒鎔脂問翦水工夫  
猶未還待何時 休被梅花爭白好誇奇鬪巧早徧瓊  
枝綵索金鈴佳人等塑獅兒怕寒繡幃慵起夢梨雲說  
與春知莫誤了約王猷船過剡溪

高陽臺 紙被

霜楮剝皮冰花擘繭滿腔絮溼湘簾抱甕工夫何須待  
吐吳蠶水香玉色難裁翦更繡鍼茸線休拈伴梅花暗  
卷春風斗帳孤眠 篝熏鵲錦熊氈任粉融脂澹猶怯  
癡寒我睡方濃笑他欠此清緣揉來細軟烘烘暖儘何



妨挾纈裝綿酒魂醒半榻梨雲起坐詩禪

疎影 詠梅影

瓊妃臥月任素裳瘦損羅帶重結石徑春寒碧蘚參差  
相思會步芳屨離魂分破東風恨又夢入水孤雲闊算  
如今也厭鴛鴦帶了一痕殘雪 猶記冰奩半掩冷枝  
畫未就歸權輕折幾度黃昏忽到窗前重想故人初別  
蒼虬欲捲漣漪去慢蛻卻連環香骨早翠蔭蒙茸不似  
一枝清絕

露華 碧桃

晚寒竚立記鉛輕黛淺初認冰魂紺羅襯玉詞譜紺羅作碧羅

猶凝昔唾香痕淨洗如春顏色勝小紅臨水前裙煙渡

遠應憐舊曲換葉移根 山中去年人到詞譜作別怪月悄

風輕閒掩重門瓊肌瘦損那堪燕子黃昏幾片故溪浮

玉詞譜故溪作過溪似夜歸深雪前村芳夢冷雙禽誤宿粉雲

無悶 雪意

陰積龍荒寒度雁門西北高樓獨倚悵短景無多亂山  
如此欲喚飛瓊起舞怕攪碎紛紛銀河水凍雲一片藏  
花護玉未教輕墜 清致悄無似有照水一枝詞綜作南枝



已攬春意誤幾度憑欄莫愁凝睇應是梨花夢好未肯  
放東風來人世待翠管吹破蒼茫看取玉壺天地

眉嫵

新月

漸新痕懸柳澹彩穿花依約破初暝便有團圓意深深  
拜相逢誰在香徑畫眉未穩料素娥猶帶離恨最堪愛  
一曲銀鈎小寶簾挂秋冷 千古盈虧休問嘆慢磨玉  
斧難補金鏡太液池猶在淒涼處何人重賦清景故山  
夜永試待他窺戶端正看雲外山河還老桂花舊影

水龍吟

牡丹

曉寒慵揭珠簾牡丹院落花開未玉欄干畔柳絲一  
和風半倚國色微酣天香乍染扶春不起自真妃舞罷  
謫仙賦後繁華夢如流水 池館家家芳事記當時買  
栽無地爭如一朶幽人獨對水邊竹際把酒花前剩拚  
醉了醒來還醉怕洛中春色匆匆又入杜鵑聲裏

水龍吟

海棠

世閒無此娉婷玉環未破東風睡將開半斂似紅還白  
餘花怎比偏占年華禁煙纔過夾衣初試歎黃州一夢  
燕宮絕筆無人解看花意 猶記花陰同醉小闌干月

花外集

五知不足齋叢書



詞苑集  
高人起手枝媚色一庭芳景清寒似水銀燭延嬌綠房  
留豔夜深花底怕明朝小雨濛濛便化作燕支淚

水龍吟 落葉

曉霜初著青林望中故國淒涼早蕭蕭漸積紛紛猶墜  
門荒徑悄渭水風生洞庭波起幾番秋杪想重厓半沒  
千峯盡出山中路無人到 前度題紅杳杳遶宮溝暗  
流空繞啼螿未歇飛鴻欲過此時懷抱亂影翻窗碎聲  
敲砌愁人多少望吾廬甚處只應今夜滿庭誰掃

水龍吟 白蓮

淡妝不掃蛾眉爲誰佇立羞明鏡真妃解語西施淨洗  
娉婷顧影薄露初勻纖塵不染移根玉井想飄然一葉  
颼颼短髮中流臥浮煙艇 可惜瑤臺路迴抱淒涼月  
中難認 樂府補題難 相逢還是冰壺浴罷牙牀酒醒步  
襪空留舞裳微褪 樂府補題舞 粉殘香冷望海山依約  
時時夢想素波千頃

水龍吟 前韻

翠雲遙擁環妃夜深按徹霓裳舞鉛華淨洗涓涓出浴  
盈盈解語太液荒寒海山依約斷魂何許甚人間別有



冰肌雪豔嬌無奈一作那頻相顧 三十六陂煙雨舊淒

涼向誰堪訴別本向誰如今謾說仙姿自潔芳心更苦

羅襪初停玉璫還解早凌波去試乘風一葉重來月底

與脩花譜

綺羅香 秋思

屋角疎星庭陰暗水猶記藏鴉新樹試折梨花行入小  
闌深處聽粉片簌簌飄皆有入在夜窗無語料如今門  
掩孤燈畫屏塵滿斷腸句 佳期渾似流水還見梧桐  
幾葉輕敲朱戶一片秋聲應做兩邊愁緒江路遠歸雁

無憑寫繡牋倩誰將去謾一聊猶掩芳樽醉聽深夜

綺羅香 紅葉

玉杵餘丹金刀剩綵重染吳江孤樹幾點朱鉛幾度怨  
啼秋暮驚舊夢綠鬢輕凋訴新恨絳脣微注最堪憐同  
拂新霜繡蓉一鏡晚妝如 千林搖落漸少何事西風  
老色爭妍如許二月殘花空誤小車山路重認取流水  
荒溝怕猶有寄情芳語但淒涼秋苑斜陽冷枝畱醉舞

綺羅香 前題

夜滴研朱晨妝試酒寒樹偷分春豔賦冷吳江一片試



霜猶淺驚漢殿絳點初凝認隋苑綵枝重翦問仙丹煉  
熟何遲少年色換已秋晚 疎枝頻撼暮雨消得西風  
幾度舞衣吹斷綠水荒溝終是賦情人遠空一似零落  
桃花又等閒誤他劉阮且畱取閒寫幽情石闌三四片

齊天樂

碧痕初化池塘草熒熒野光相趁扇薄星流盤明露滴  
零落秋原飛燐練裳暗近記穿柳生涼度荷分暝誤我  
殘編翠囊空嘆夢無準 樓陰時過數點倚闌人未睡  
會賦幽恨漢苑飄苔秦陵墜葉千古淒涼不盡何人為

省但隔水餘

不殘影已覺蕭疎更堪秋夜永

齊天樂

綠槐千樹西窗悄別本綠槐作綠陰 厭厭晝眠驚起詞緣誤睡 飲  
身輕吟風翅薄樂府補題云嫩翼 半翦冰箋誰寄淒  
倦耳漫重拂琴絲怕尋冠珥知夢深宮向人猶自訴  
悴 殘虹收盡過雨晚來頻斷續都是秋意病葉難  
纖柯易老空憶斜陽身世窗明月碎別本窗明作山明 甚已  
餘音尙遺枯蠅鬢影參差斷魂青鏡裏

齊天樂

龍外集

八知不足齋叢書



一襟餘恨宮魂斷年年翠陰庭樹樂府補題乍咽涼柯

還移暗葉重把離愁深訴樂府補題西窗過雨樂府補

作西怪瑤珮流空樂府補題玉箏調柱鏡暗妝殘別

鏡暗作為誰嬌鬢尚如許銅仙鉛淚似洗歎移盤去

遠樂府補題移難貯零露病翼驚秋和形閱世消得斜

陽幾度餘音更苦甚獨抱清高詞綜作頓成淒楚謾想

薰風柳絲千萬縷

齊天樂 贈秋崖道人西歸

冷煙殘水山陰道家擁門黃葉故里魚肥初寒雁落

孤艇將歸時節江南恨切問還與何人共歌新闕換盡

秋芳想渠西子更愁絕當時無限舊事嘆繁華似夢

如今休說短褐臨流幽懷倚石山色重逢都別江雲凍

結算只有梅花尚堪攀折寄取相思一枝和夜雪

齊天樂 四明別友

十洲三島會行處離情幾番悽婉墜葉重題枯條舊折

蕭颯那逢秋半登臨頓懶更葵筵難畱亭衣將換試語

孤懷豈無人與共幽怨一作愁怨遲遲終是也別算何如

趁取涼生江滿挂月催程收風借泊休憶征帆已遠山



陰路畔縱鳴壁猶蛩過樓初雁政恐黃花笑人歸較晚

一萼紅 石屋探梅

思飄飄擁仙姝獨步明月照蒼翹花候猶遲庭陰不掃  
門掩山意蕭條抱芳恨佳人分薄似未許芳魄化春嬌  
雨澀風慳霧輕波細湘夢迢迢 誰伴碧樽雕俎笑瓊  
肌皎皎絕妙好詞作  
喚瓊姬皎皎綠鬢蕭蕭青鳳啼空玉龍舞夜遙  
睇河漢光搖絕妙好詞遙  
聯作遙盼未須賦疎香淡影且同倚枯  
蘚聽吹簫聽久餘音欲絕寒透鮫綃

一萼紅 丙午春赤城山中題花光卷

玉嬋娟甚春餘雪盡猶未跨青鸞疎萼無香柔條獨秀  
應恨流落人閒記曾照黃昏淡月漸瘦移影上小欄干  
一點清魂半枝空色芳意班班 重省嫩寒清曉過斷  
橋流水問信孤山冰粟微銷塵衣不浣相見還誤輕攀  
未許訝東南倦客掩鉛淚看了又重看故國吳天樹老  
雨過風殘

一萼紅 紅梅

占芳菲趁東風嫵媚重拂淡煙支青鳳銜丹瓊奴試酒  
驚換玉質冰姿甚春色江南太早有人怪和雪杏花飛



蘇珮蕭疎茜裙零亂山意霏霏 空惹別愁無數照珊瑚  
海影冷月枯枝一作孤枝吳豔離魂蜀妖滯淚孤負多少  
心期歲寒事無人共省破丹霧應有鶴歸時可惜鮫綃  
碎翦不寄相思

一萼紅 前題

翦丹雲怕江臯路冷千疊護清芬彈淚綃單凝妝枕重  
驚認消瘦冰魂爲誰趁東風換色任絳雪飛滿綠羅裙  
吳苑雙身蜀城高髻忽到柴門 欲寄故人千里恨燕  
支太薄寂寞春痕玉管難留金樽易注一作幾度殘醉

紛紛謾重記羅浮夢覺步芳影如宿杏花村一樹珊瑚  
淡日獨照黃昏

一萼紅 初春懷舊

小庭深有蒼苔老樹風物似山林侵戶清寒捎池急雨  
時聽飛過啼禽掃荒徑殘梅似雪甚過了人日更多陰  
壓酒人家試鐙天氣相次登臨 猶記舊游亭館正垂  
楊引縷嫩草抽簪羅帶同心泥金牛臂花畔低唱輕斟  
又爭信風流一別念前事空惹恨沈沈野服山筇醉賞  
不似如今



解連環 歌

萬珠懸碧想炎荒樹密

恨絳娣先整吳帆政

鬢翠逞嬌故林難別歲晚相逢薦青子獨誇冰頰點紅

鹽亂落最是夜寒酒醒時節 霜槎蝟芒凍裂把孤花

細嚼時燕芳冽斷味惜回澀餘甘似重省家山舊游風

月崖蜜重嘗到了輸他清絕更畱人紺丸半顆素甌泛

雪

三姝媚 次周公謹故京送別韻

蘭缸花半綻正西窗淒淒斷發新雁別久逢稀謾相看

華髮共成銷黯總是飄零更休賦梨花秋苑何況如今

離思難禁俊才都減 今夜山高江淺又月落帆空酒

醒人遠綵袖烏紗解愁人惟有斷歌幽婉一信東風再

約看紅腮青眼只恐扁舟西去蘋花弄晚

三姝媚 櫻桃

紅纓懸翠葆

別本紅櫻 作紅櫻

漸金鈴枝深瑤堦花少萬顆燕

支贈舊情爭奈弄珠人老扇底清歌還記得樊姬嬌小

幾度相思紅豆都銷碧絲空裊 芳意茶蘼開早正夜

色瑛盤素蟾低照薦筍同時歎故園春事已無多了貯



滿筠籠別本貯偏暗觸天涯懷抱謾想青衣初見花陰  
夢好

慶清朝

玉局歌殘金陵句絕年年負卻薰風西鄰窈窕獨憐入  
戶飛紅前度綠陰載酒枝頭色比舞裙同何須擬蠟珠  
作帶湘綵成叢誰在舊家殿閣自太真仙去掃地春  
空朱旛護取如今應誤花工顛倒絳英滿徑想無車馬  
到山中西風後尙餘數點還勝春濃

慶宮春

水仙花

明玉擎金織羅飄帶爲君起舞回雪柔影參差幽芳零  
亂翠圍腰瘦一捻歲華相誤記前度湘臯怨別哀弦重  
聽都是淒涼未須彈徹國香到此誰憐煙冷沙昏頓  
成愁絕花惱難禁酒銷欲盡門外冰漸初結試招仙魄  
怕今夜瑤簪凍折攜盤獨出空想咸陽故宮落月

高陽臺

殘萼梅酸詞綜淺新溝水綠初晴節序暄妍絕妙好詞  
誤作淺初晴誤作  
東風獨立雕欄誰憐在度華年朝朝準擬清明近料燕翎  
須寄銀箋又爭知一字相思不到吟邊雙蛾不拂青



鸞冷任花陰寂寂掩戶閒眠屢卜佳期無憑卻恨金錢  
絕妙好詞恨作怨何人寄與天涯信趁東風急整歸船詞綜誤  
縱漂零滿院楊花猶是春前

高陽臺

陳君衡遠游未還周公謹有婁人之賦倚歌和之

駝褐輕裝狝羈小隊冰河夜渡流澌朔雪平沙飛花亂  
拂蛾眉琵琶已是淒涼調更賦情不比當時想如今人  
在龍庭初勸金卮別本勸作賜一枝芳信應難寄向山邊  
水際獨抱相思江雁孤回天涯入自歸遲歸來依舊秦  
淮碧問此愁還有誰知對東風空似垂楊零亂千絲

高陽臺

和周草窗寄越中諸友韻

殘雪庭陰輕寒簾影霏霏玉管春葭小帖金泥不知春  
在誰家詞綜在相思一夜窗前夢奈個人水隔天遮別本  
個人作但淒然滿樹幽香滿地橫斜江南自是離愁  
似人苦況游驄古道歸雁平沙怎得銀箋殷勤與說年華如  
今處處生芳草縱凭高不見天涯更消他幾度東風幾  
度飛花

掃花游

秋聲

商飈乍發漸淅淅初聞蕭蕭還住頓驚倦旅背青燈弔

三

西知不足齋叢書



影起吟愁賦斷續無憑試立荒庭聽取在何許但落葉  
滿堦惟有高樹 迢遞歸夢阻正老耳難禁病懷淒楚  
故山院宇想邊鴻孤唳砌蛩私語數點相和更著芭蕉  
細雨避無處這閒愁夜深尤苦

掃花游 綠陰

小庭陰碧遇驟雨疎風剩紅如掃翠交徑小問攀條弄  
葉有誰重到謾說青青比似花時更好怎知道口一別  
漢南遺恨多少 清晝人情悄任密護簾寒暗迷窗曉  
舊盟誤了又新枝嫩子總隨春老漸隔相思極日長亭

路杳攬懷抱聽蒙茸數聲啼鳥

掃花游 前題

捲簾翠溼過幾陣殘寒幾番風雨問春住否但匆匆暗  
裏換將花去亂碧迷人總是江南舊樹謾凝佇念昔日  
采香今更何許 芳徑攜酒處又蔭得青青嫩苔無數  
故林晚步想參差漸滿野塘山路倦枕閒牀正好微曛  
院宇送淒楚怕涼聲又催秋暮

掃花游 前題

滿庭嫩碧漸密葉迷窗亂枝交路斷紅甚處但匆匆換



得翠痕無數  
暗影沈沈  
靜鎖清和院  
字試凝竚  
怕一點  
舊香猶在幽樹  
濃陰知幾許  
且拂簾清眠  
引筇閒步  
杜郎老去  
算尋芳較晚  
倦懷難賦  
縱勝花時  
到了可愁風  
怨雨短亭暮  
謾青青怎遮春去

鎖窗寒 春思

趁酒梨花催詩柳絮一窗春  
怨疎疎過雨洗盡滿堦芳  
片數東風二十四番幾番誤了西園宴  
認小簾朱戶不  
如飛去舊巢雙燕  
曾見雙蛾淺  
自別後多應黛痕不  
展撲蝶花陰  
怕看題詩團扇  
試憑他流水寄情  
遡紅不

到春更遠但無聊病酒厭厭夜月茶蘼院

鎖窗寒 春寒

料峭東風廉纖細雨落梅飛盡單衣惻惻再整金猊  
燼誤千紅試妝較遲故園不似清明近但滿庭柳色  
絲羞舞淡黃猶凝  
芳景還重省向薄曉窺簾一作嫩  
陰欹枕桐花漸老已做一番風信又看看綠徧西湖  
早  
催塞北歸雁影等歸時為帶將歸詞綜誤  
併帶江南恨作春歸

鎖窗寒

出谷鶯遲踏沙雁少帶陰庭宇東風似水尙掩沈香雙



戶恁莓苔雪痕乍鋪那回已趁飛梅去柰柳邊占得一  
庭新暝又還畱住 前度西園路記半袖爭持鬪嬌眉  
嫵瓊肌暗怯醉立千紅深處問如今山館水村共誰翠  
幄熏蕙炷最難禁向晚淒涼一作淒淒化作梨花雨

應天長

疎簾蝶粉幽徑燕泥花間小雨初足又是禁城寒食輕  
舟泛晴綠尋芳地來去熟尚彷彿大堤南北望楊柳一  
片陰陰搖曳新綠 重訪豔歌人聽取春聲猶是杜郎  
曲蕩漾去年春色深深杏花屋東風會共宿記小刻近

窗新竹舊游遠沈醉歸來滿院銀燭

八六子

掃芳林一作洗芳林 幾番風雨匆匆老盡春禽漸薄潤侵衣  
不斷嫩涼隨扇初生晚窗自吟 沈沈幽徑芳尋晻靄  
苔香簾淨蕭疎竹影庭深謾淡卻蛾眉晨妝慵掃寶釵  
蟲散一作繡屏鸞破詞譜繡屏 當時暗水和雲泛酒一作  
雨空山畱月聽琴料如今門前數重翠陰

摸魚兒

洗芳林夜來風雨匆匆還送春去方纔送得春歸了那



又送君南浦君聽取怕此際春歸也過吳中路君行到

處便快折湖邊詞綜作河邊千條翠柳為我繫春住春還

住休索吟春伴侶殘花今已塵土姑蘇臺下煙波遠西

子近來何許能喚否又恐怕一無字殘春到了無憑據煩

君妙語更為我將春詞綜將春上衍且字連花帶柳寫入翠箋句

摸魚兒

玉簾寒翠痕微斷別本翠痕作翠絲浮空清影零碎碧芽也抱

春洲怨雙捲小緘芳字還又似繫羅帶相思幾點青鈿

綴吳中舊事恨酪乳爭奇鱸魚護好誰與共秋醉江

湖興昨夜西風又起年年輕誤歸計如今不怕歸無準

卻怕故人千里何況是正落日垂虹怎賦登臨意滄浪

夢裏縱一舸重游孤懷暗老餘恨渺煙水

聲聲慢

啼螿門靜落葉堦深秋聲又入吾廬一枕新涼西窗晚

雨疎疎舊香舊色換卻但滿川殘柳荒蒲茂陵遠任歲

華冉冉老盡相如昨夜西風初起想尊邊呼櫂橋後

思書短景淒然殘歌空叩銅壺當時送行其約雁歸時

人賦歸歎雁歸也問人歸如雁也無



聲聲慢

高寒戶牖虛白尊巒千山盡人孤光玉影如空天葩暗  
落清香平生此興不淺記當年獨據胡牀怎知道是歲  
華換卻處處堪傷 已是南樓曲斷縱疎花淡月也只  
淒涼冷雨斜風何況獨掩西窗天涯故人總老謾相思  
永夜相望斷夢遠趁秋聲一片渡江

聲聲慢 和周草窓

迎門高髻倚扇清吭娉婷未數西州淺拂朱鉛春風二  
月梢頭相逢靚妝俊語有舊家京洛風流斷腸句試重

拈綵筆與賦閒愁 猶記凌波欲去問明璫羅襪卻爲  
誰畱枉夢相思幾回南浦行舟莫辭玉樽起舞怕重來  
燕子空樓謾惆悵担琵琶閒過此秋

補遺

醉蓬萊 歸故山

掃西風門徑黃葉凋零白雲蕭散柳換枯陰賦歸來何  
晚爽氣霏霏翠蛾眉嫵聊慰登臨眼故國如塵故人如  
夢登高還嬾 數點寒英爲誰零落楚魄難招暮寒堪  
攬步履荒籬誰念幽芳遠一室秋燈一庭秋雨更一聲



秋雁試引芳樽不知消得幾多依黯

法曲獻仙音 聚景亭梅次草窗韻

層綠戔戔纖瓊皎皎倒壓波痕清淺過眼年華動人幽  
意相逢幾番春換記喚酒尋芳處盈盈褪妝晚 已銷  
黯況淒涼近來離思應忘卻明月夜深歸輦荏苒一枝  
春恨東風人似天遠縱有殘花洒征衣鈿淚都滿但殷  
勤折取自遣一襟幽怨

醉落魄

小窗銀燭輕鬟半擁釵橫玉數聲春調清真曲拂拂朱

簾殘影亂紅撲 垂楊學畫蛾眉綠年年芳草迷金谷

如今休把佳期卜一掬春情斜月杏花屋

長亭怨 重過中庵故園

泛孤艇東臯過訊尚記當日綠陰門掩屐齒莓階酒痕  
羅袖事何限欲尋前迹空惆悵成秋苑自約賞花人別  
後總風流雲散 水遠怎知流水外卻是亂山尤遠天  
涯夢短想忘了綺疏雕檻望不盡苒苒斜陽撫喬木年  
華將晚但數點紅英猶識西園淒惋 一作  
猶試

西江月

為趙元父賦雪梅圖

花不集

辛知不足齋叢書



褪粉輕盈瓊靨護香重疊冰綃數枝誰帶玉痕描夜夜  
東風不掃 溪上橫斜影淡夢中落莫魂銷峭寒未肯  
放春嬌素被獨眠清曉

踏莎行 題草窗詞卷

白石飛仙紫霞悽調斷歌人聽知音少別本人聽幾番

幽夢欲回別本云沈沈幽夢小池荒依依芳意閒窗悄

風月交加山川懷抱憑誰說與春知道空留離恨滿

江南別本龍恨相思一夜蘋花老

淡黃柳

甲戌冬別周公謹丈於孤山中次冬公謹游會稽相會一月又次冬公謹自剡還執手聚別且復別去悵然於懷敬賦此解

花邊短笛初結孤山約雨悄風輕寒漠漠翠鏡秦鬟釵

別同折幽芳怨搖落 素裳薄重拈舊紅萼歎攜手轉

離索料青禽一夢春無幾後夜相思素蟾低照誰掃花

陰其酌 右七闕見絕妙好詞

望梅 一名解連環

晝閒人寂梅苑晝閒喜輕盈照水犯寒先坼裊數枝雲

縷鮫綃梅苑數枝露淺淺塗黃漢宮嬌額翦玉裁冰已



占斷江南春色恨風前素豔雪裏暗香偶成拋擲  
如  
今眼穿故國待拈花弄藥梅苑作時話思憶想隴頭依  
約飄零甚千里芳心杳無消息粉怯珠愁又只恐吹殘  
羌笛正斜飛半窗曉月夢回隴驛右一闕見花草粹編

金盞子

雨葉吟蟬露草流螢歲華將晚對靜夜無眠稀星散時  
度絳河清淺甚處畫角淒涼引輕寒催燕西樓外斜月  
未沈風急雁行吹斷此際怎消遣要相見除非待夢  
見盈盈洞房淚眼看人似冷落過秋紈扇痛惜小院桐

陰空啼鴉零亂厭厭地終日爲伊香愁粉怨

更漏子

日銜山山帶雪笛弄晚風殘月湘夢斷楚魂迷金河秋  
雁飛別離心思憶淚錦帶已傷憔悴蛩韻急杵聲寒  
征衣不用寬

錦堂春

七夕

桂嫩傳香榆高送影輕羅小扇涼生正鴛機梭靜鳳渚  
橋成穿線人來月底曝衣花入風庭看星殘鬢碎露滴  
珠融笑掩雲扇綵盤凝望仙子但三星隱隱一水盈



盈暗想憑肩私語鬢亂釵橫蛛網飄絲臂恨玉籤傳點  
催明算人閒待巧似恁匆匆有甚心情

錦堂春

中秋

露掌秋深花籤漏永那堪此夕新晴正纖塵飛盡萬籟  
無聲金鏡開奩弄影玉壺盛水侵稜縱簾斜樹隔燭暗  
花殘不礙虛明 美人凝恨歌黛念經年閒阻只恐雲  
生早是宮鞋鴛小翠鬢蟬輕蟾潤妝煤夜發桂熏仙骨  
香清看姮娥此際多情又似無情

如夢令

妾似春蠶抽縷君似箏弦移柱無語結同心滿地落花  
飛絮歸去歸去遙指亂雲遮處

青房竝蒂蓮

一作美成作誤

醉凝眸是楚天秋曉湘岸雲收草綠蘭紅淺淺小汀洲  
菱荷香裏鴛鴦浦恨菱歌驚起眠鷗望去帆一片孤光  
棹聲伊軋櫓聲柔 愁窺汀隄翠柳曾舞送當時錦纜  
龍舟擁傾國纖腰皓齒笑倚迷樓空令五湖夜月也羞  
照三十六宮秋正朗吟不覺回橈水花楓葉兩悠悠  
右六闕見陽春白雪



